



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

I. Die Markgrafen Otto, Albert und Otto legen der Stadt Soldin Mühlpächte, Seen, Zollgerechtigkeit und Zinshebungen bei, und verordnen, daß neu zu gründende Städte und Dörfer von Soldin ihr Recht ...

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

VII.

Stadt und Collegiatstift Soldin.

I. Die Markgrafen Otto, Albert und Otto legen der Stadt Soldin Mählpächte, Seen, Zollgerechtigkeit und Zinshebungen bei, und verordnen, daß neu zu gründende Städte und Dörfer von Soldin ihr Recht holen sollen, am 8. Juni 1281.

Otto, albertus et otto, dei gracia Brandenburgenses Marchiones, filii quondam incliti domini ottonis, olim marchionis Brandenburgensis, Vniuersis cristi fidelibus salutem in perpetuum. Inter multas et arduas sollicitudines et curarum mordaces instantias, que continuo in aula versantur nostri pectoris, ad illud potissime aciem inclinamus mentis nostre, qualiter provincie nostre ditioni subdite et ciuitatum roborentur multitudine et ipsarum meliorationibus necessitatem accipiant incrementi. Considerantes igitur probitatis merita, quibus fideles et dilecti nobis ciues in Soldin ciuitate nostra commorantes nostris se semper prestiterunt conspectibus gratiosos, penitantes nichilominus, quod eiusdem ciues ciuitatis tum prope nouam structuram*), que magnam libertatem exigit, tum etiam quia ex insultu polonorum iacturis aliquociens sunt dediti et pressuris, ut ipsorum incommoda et actiones compellamur subsidiis, quantum ad presens possumus releuare; Eapropter ad vniuersorum noticiam per scripta presencia uolumus peruenire, quod in restaurum seu concambium decem chororum, quos dicti ciues nostri in Soldin in molendino hartuingi annuatim habuerunt, nec non etiam vnus talenti recompensam, quod iidem ciues consueuerunt percipere quociescunque prehabituū molendinum emi contigit siue uendi, nos dedimus sex talenta et quatuor choros filiginis in censu et molendino soldin, quos et que ipsius ciuitatis soldin debent ciues perpetuis temporibus possidere. Ad hec uero ipsam aquam, que mizele appellatur, usque in constagnacionem molendini hartuingi predicti, que quidem constagnatio ein dik vulgariter nuncupatur, et ab eodem molendino deorsum usque in constagnacionem, id est dik, molendini gerardi de wrech ipsis ciuibus de Soldin cum omnibus suis utilitatibus ac libertatibus donauimus perbenniter possidendam. Sed in molendino gerhardi de wrech duos choros annis percipiendos singulis et vnum accipiendum talentum quandocumque emptionis contractu uel venditionis ipsum molendinum personas transferit ad diuersas, ipsis ciuibus nostris in Soldin titulo obtulimus perben-

*) Dies Wort ist verblühen, kann daher auch culturam und ähnlich gelesen werden.

nali, eo nichilominus habito et incluso, quod hartungus constagnationem molendini sui, id est dik, uel eciam ipsum molendinum per eminentiam nullatenus debeat exaltare. Preterea quoque stagna quinque, scilicet Soldin primum, Lubbesse secundum, elitzce tertium, Lecze quartum, Gezeriz quintum, libere addidimus ciuibus prenotatis cum suis obuencionibus perpetuo possidenda, adicientes insuper omnia illa, que prehabita stagna in tota sua humentacione uel ascensu, que ein stouinge publice denotatur, poterunt continere, iidem ciues debeant iure censuali possidere. Preter id insuper theloneum quodlibet in ciuitate Soldin liberum statuimus et solutum. Cum hiis eciam omnem censum ortorum obtulimus in subsidium prehabite ciuitati, illo duntaxat censu excepto, qui prouenerit de ortis adiacentibus curie et de Curia, que fuerat monachorum. Similiter eciam statuimus, ut omnes ciuitates uel uille construende uel constructe Soldin iura sua debeant requirere seu afferre, salvo tamen iure nostro in omnibus alieno. Demum uero talem contulimus gratiam et fauorem, ut omnia edificia, que in foro uel alibi in eadem ciuitate posita fuerint, censum soluere debeant prehabite ciuitati. Ut autem predicta donatio robur assumat perpetuo ualiturum, presens scriptum in lucens testimonium scribi et sigillis nostris iussimus communiri testibus subnotatis, domino f. de Bruncouue, aduocato nostro, h. de sidouu, Johanne de peruueniz, Ottone et Conrado, fratribus, de winnunge, Bernharde de ztrele, Johanne de koningelmarc, Bruningo de ofterborch, theoderico de leuendal et aliis quam pluribus claritate fidei approbatis. Datum anno domini millesimo ducentesimo Octuagesimo primo, In festo sancte trinitatis.

Nach dem Original des Soldiner Stadtarchives.

II. Regulirung des Bezirkes für die Predigermönche zu Kamin und zu Soldin, vom 6. Juni 1289.

Vniuersis hanc paginam inspecturis Frater Arnoldus Scotus, prior Portensis, frater Martinus, lector de provincia Hispanie, et frater Poncius de provincia Grecie, Salutem in domino Jhesu Cristo. Caritati vestre presentibus innotescat, quod nos, per venerabilem patrem fratrem Simionem, magistrum ordinis, ac diffinitores capituli generalis, apud Treuirim celebrati, terminorum iudices constituti, diligenti examinatione prehabita inter terminos Soldinensium, de provincia Theutonie, et Kaminensium, de provincia Polonie, inspectis etiam diligentius limitationum literis, auditis quoque rationibus ex utraque parte allegatis ac inuenta ueritate, auctoritate nobis concessa sic pronunciauimus per presentes, ut fratres de Kamin terminos suos secundum limitationem factam inter eos et Struthbergenses auctoritate fratris Jobannis, quondam magistri ordinis, per venerabiles patres fratres Augustinum, provincialem Dacie, provincialem Theutonie et Prouincialem Polonie, confirmatam quoque per venerabiles patres fratrem Hermannum, priorem Struthbergensem, fratrem Nicholaum, priorem Glogouiensem, et fratrem Nicholaum, lectorem Lundensem de provincia Dacie, infra quos terminos ciuitates hee, uidelicet Perich, Stargart, Griphenhayn, Arniswald cum villis et opidis suis quam plurimis includuntur, pro quibus ciuitatibus fratres Kaminenses coram nobis et fratribus Soldinensibus, quod eas inuaderint,